


TURKYE

saam met JOHANNES

onder leiding van

Prof Stephan Joubert

Vertrek: Donderdag, 11 Maart 2027



REISPLAN

(O)-Ontbyt (A)-Aandete (*)-Ete aan boord van die vlug

Dag 1: Donderdag, 11 Maart JOHANNESBURG – DOHA

Ontmoet vanaf 15:50 by die Qatar (*vyfster lugredery*) inboektoonbank op Johannesburg se O.R.Tambo Internasionale lughawe. Vertrek om 19:50 na Doha. Oornag aan **BOORD (*)**



Dag 2: Vrydag, 12 Maart DOHA – ISTANBUL

Arriveer om 05:20 in Doha en sluit by die 07:50 vlug na Istanbul aan. Stryk om 12:20 neer in **Istanbul** (*unieke stad wat aan beide kante van die Bosphorus see geleë is*). Ons toergids en busbestuurder staan gereed om ons oor te plaas vir 'n bootvaart op die **Bosphorus** (*waterkanaal wat Asië en Europa van mekaar skei*). Oorplasing na ons hotel vir aandete en oornag in **ISTANBUL (*) (A)**



Dag 3: Saterdag, 13 Maart
ISTANBUL – PAMUKKALE

Onderneem 'n Istanbul besigtigingstoer en sien die indrukwekkende **Blou Moskee** (*kenmerkende Istanbul-landmerk in die 17^{de} eeu gebou*). Besigtig die **ondergrondse waternetwerk** (*tydens oorlogstye gebruik wat vanuit die sesde eeu dateer*). Water is hier gestoor en die dak van die 70- by 140meter-lange koepel rus op 360 Korintiese pilare. Ons volgende stop is **Hagia Sophia** (*die vierde grootste eertydse kerk ter wêreld*). Oorplasing na die **Sabiha Gökçen** Internasionale lughawe vir die vlug wat om 17:50 vertrek om teen 18:55 in Denizli neer te stryk. Oorplasing na ons hotel vir aandete en oornag in **PAMUKKALE (O)(A)**



Dag 4: Sondag, 14 Maart
LAODICEA – HIERAPOLIS – PAMUKKALE

(Opsionele vroegoggend warm lugballon uitstappie. Keer terug na ons hotel waar ontbyt bedien word). Begin die dag by die oorblyfsels van die stad **Kolosse** (*Paulus se brief aan die Kolossense; ook tuiste van Filemon, stad wat oorspronklik deur die Frigiërs gevestig en bewoon is*). Volg dan die roete na **Laodisea** (*een van die Sewe gemeentes van Klein Asië*) wat in die jaar 260 v.C. sy ontstaan gehad het. Dit was eens die hoofstad van Firiigië waar 'n groot aantal Jode gewoon het. Die ernstigste van al die waarskuwings is aan hierdie kerk gerig omdat hulle lou was en die Here hulle “uit Sy mond spoeg”. Besoek **Hierapolis** (*waar Filippus gemartel is*). Besigtig een van die grootste en mees uiteenlopende Nekropolisse ter wêreld, tempel van Apolo, die teater en Roomse baddens. Dit is hier waar Filippus 'n marteldood gesterf het. Keer terug na die warmwaterbronne van **Pamukkale** (*travertyne en terasse van kalksteen minerale wat deurvloeiende water agtergelaat word*). Aandete en oornag in **PAMUKKALE (O)(A)**



Dag 5: Maandag, 15 Maart
EFESE – SIRINCE – KUSADASI

Vertrek na **Éfese** (*een van die sewe gemeentes*) waar ons die antieke geboue wat uit Griekse, Romeinse en Bizantynse periodes dateer besigtig. Uitgrawings word steeds hier gedoen en daar word voortdurend nuwe ontdekkings gemaak. Paulus het hierdie stad op sy tweede en derde sendingreise besoek (*Hand. 18:19-21*). Sien die **Basilika van**

Johannes (*waar hy volgens oorlewering begrawe is*), en die antieke stad met die Agora, die **tempel van Hadrianus** (*dissipels van Johannes kom op wonderbaarlike wyse hier tot bekering Hand. 19:1-7*). Ons begin met 'n **inleiding tot Efese** vanuit 'n Bybelse perspektief; 'n oorsig gelei deur Prof Stephan Joubert. Reis verder vir 'n besoek aan die dorpie **Sirince** (*pragtig gerestoureerde heuveltop-dorpie voorheen bekend as Kirkindja en toneel vir die beroemde roman geskryf deur Dido Sotiriou, "A Farewell to Anatolia"*). Reis verder na **Kusadasi** (*gewilde hawestad en strandoord aan Turkye se westelike Egeïese kus*). Aandete en oornag by ons hotel in **KUSADASI (O)(A)**



Dag 6: Dinsdag, 16 Maart ÉFESE – KUSADASI

Keer vanoggend terug en sit ons Bybelse reis saam met Stephan Joubert voort wanneer ons verder die skatte van **Éfese** ontdek en waardevolle Bybelkennis opdoen. Besoek die **antieke teater** (*waar Paulus vir die Efesiërs gepreek het*). Sien die marmerstraat en die **tempel van Artemis** (*een van die sewe wonders van die Ou wêreld*). Geniet die **4D-aanbieding in Éfese** (*"Ephesus Experience Museum"*). Reis verder vir 'n besoek aan die **Basiliek van Johannes** (*teen die hange van Ayasuluk-heuwel sowat 3,5 km vanaf Éfese geleë*). Keer terug na ons hotel waar ons die middag vry is om te ontspan. Aandete en oornag in **KUSADASI (O)(A)**



Day 7: Woensdag, 17 Maart SARDIS – SMIRNA – ALIAGA

Reis vanoggend na **Sardis** (*antieke stad met 'n geskiedenis wat oor meer as 3,000 jaar strek; ook bekend as die hoofstad van die Koninkryk van Lidië*) met manjifieke strukture soos die **tempel van Artemis** (*een van die grootstes in die Midde-Ooste*), 'n teater en **Romeinse badkompleks** (*een van die grootste en bes bewaarde Romeinse badkomplekse in Turkye met goed behoue vloere en 'n paar muurskilderye*). Sardis het ook 'n groot **Joodse sinagoge** (*dateer uit die Romeinse tydperk; een van die oudste sinagoges ter wêreld met goed bewaarde mosaïeke en Hebreeuse skrif*). Reis verder vir aandete en oornag in **ALIAGA (O)(A)**



Dag 8: Donderdag, 18 Maart PÉRGAMUS – BURSA – ISTANBUL

Bring vanoggend besoek aan **Pérgamus** (*een van die Sewe Gemeentes*) en eertydse hoofstad van 'n groot pre-Romeinse koninkryk. Die groot **altaar van Zeus** (*wat later na Duitsland verwyder is*), het op die heuwel bokant die stad gestaan. Verdere opgrawings het biblioteke, paleise en tempels blootgelê. Die skuinsste teater ter wêreld wat sowat 15 000 mense kon akkommodeer, en die Asklepios tempel is hier naby geleë. Reis verder verby **Bursa** (*groot stad wat vanuit die Ottoman periode dateer*), bekend is vir sy parke en tuine wat deur groen woude omring word, geleë aan die voet van die 2500 meter-hoë Uludağ geberte naby die see van Marmara. Ons bestemming is die Istanbul lughawe vir die Qatar airways vlug wat om 20:10 vertrek om net na midde nag teen 00:10 in Doha te arriveer. Sluit by die 01:10 vlug na Johannesburg aan. Oornag aan **BOORD (O)(*)**



Dag 9: Vrydag, 19 Maart JOHANNESBURG

Ontbyt word aan boord bedien. Stryk om 08:40 op Johannesburg se O.R.Tambo Internasionale lughawe neer, ryk aan ervaring en verryk in die gees. Eendag maak ons weer so! (*)

VERWAGTE TOERPRYS: R46,980 per persoon

(Toerprys is gebaseer op verwagte kostes vir Maart 2027, soos saamgestel gedurende Oktober 2025, is onderhewig aan verandering, en sal hersien word wanneer die groep-lugreisgeld in April 2026 beskikbaar word). Tariewe soos volg bereken: **Spesiale groep-lugreisgeld: R11,228 / Landreëlings: R35,752**

Tariewe word deur die diensleweraars gedek tot op R20,50 teenoor die Euro en toerkoste sal aangepas word indien die Rand verder as R20,50 sou verswak. Weens die beperkte aantal plekke beskikbaar vir hierdie toer, word u inskrywing en deposito so gou as moontlik benodig om u sitplek te verseker. Alle tariewe onderhewig aan beskikbaarheid en bevestiging tydens bespreking

BESPREKINGS:

Voltooi asseblief die meegaande regsitrasievorm en betaal u deposito van **R10,000** per persoon plus reisversekering van **R1,450** vir onder 70-jariges of **R3,080** vir onder 80's.

E-pos (tafelberg@stargateint.co.za) of Whatsapp die registrasievorm (083 453-6505) tesame met u inbetalingstrokie na ons kantoor. Reisversekering moet saam met u deposito betaal word indien u die volle reisdekking wat die TIC polis bied, wil verkry.

Bankbesonderhede reflekteer onderaan die registrasievorm.

Gebruik asb u **VAN** gevolg deur die kode **11MarSJ** as verwysing met inbetaling.

*‘n Tweede betaling van R10,000pp is betaalbaar teen 31 Julie 2026. Die balans van die toerprys is sowat 12 weke voor vertrek betaalbaar, en die wisselkoers van die dag sal op die Randwaarde van ons toerprys van toepassing wees indien die Rand verder as R20,50 teenoor die Amerikaanse Dollar sou verswak. Maak asseblief seker dat u fondse dan beskikbaar is aangesien balansbetaling is weens die wisselvalligheid van die Rand, sowat 72-uur na fakturering betaalbaar is. Weens die beperkte aantal sitplekke beskikbaar vir hierdie toer, word u inskrywing en deposito so gou as moontlik benodig om u sitplek te verseker. Toerprys is gebaseer op **48 passasiers** wat saamreis. Nota: Indien u nie van die groepsvlugte gebruik maak nie, sal ‘n heffing van R1,500 van toepassing wees.*

INGESLUIT:

- Ekonomiese retoervlugte insluitend inboek-bagasie, lughawebelasting en brandstofheffing
- Lughawe hotel retoer oorplasings soos per program
- Ontbyt en aandetes soos per program
- Vierster akkommodasie
- Engelssprekende toergidse en luukse toerbusse
- Besigtigingstoere en ingangsfooie soos per program
- Fooitjies aan gidse, bestuurders, portiere, hotelpersoneel

UITGESLUIT:

- Opsionele enkelkamerverblyf supplement R8,815
- Reisversekering vanaf R1,450 vir onder 70-jariges of R3,080 vir onder 80's. Senior polis op aanvraag
- Turkse gratis aanlyn visum

Reisplan en hotelle is onderhewig aan verandering na gelang van tydskedules en veiligheidsituasies



Vir nadere besonderhede,
kontak **E-kerk**
toere@ekerk.org